

Na osnovu člana 32. stav (2) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19) i člana 137. Zakona o socijalnoj zaštiti, zaštiti civilnih žrtava rata Zeničko-dobojskog kanton („Službene novine Zeničko-dobojskog kantona“, broj: 13/07, 13/11, 3/15 i 2/16), Zeničko-dobojski kanton – Ministarstvo za rad, socijalnu politiku i izbjeglice, raspisuje:

**JAVNI POZIV
za finansiranje i sufinansiranje projekata povodom obilježavanja „Dječije nedjelje“
u Zeničko-dobojskom kantonu u 2019. godini**

I. Predmet javnog poziva

Javnim pozivom prikupljaju se prijedlozi projekata radi dodjele sredstava za finansiranje i sufinansiranje projekata za obilježavanje „Dječije nedjelje“ u 2019. godini, a u svrhu organizovanja manifestacija posvećenih djeci i preduzimanja mjera i akcija za unapređenje razvoja brige o djeci na području Zeničko-dobojskog kantona.

II. Pravo učešća

Pravo na dodjelu sredstava imaju centri za socijalni rad, Općina Doboj Jug i Općina Usora, sa područja Zeničko-dobojskog kantona, za projekte iz Programa obilježavanja „Dječije nedjelje“ koji će se realizovati u saradnji sa lokalnim ustanovama socijalne i zdravstvene zaštite, obrazovanja, kulture, sporta, te udruženjima i drugim pravnim licima čije su programske aktivnosti i djelatnost usmjerene na unapređenje zaštite porodice i djece (u daljem tekstu: Korisnici).

III. Namjena

Pravo na korištenje sredstava mogu ostvariti Korisnici čiji se prijedlozi projekata odnose na: manifestacije i aktivnosti koje se odnose na promociju, edukaciju i unapređenje socijalne zaštite, obrazovanja, inkluzivnog obrazovanja, vaspitanja i zdravlja djece, kulture i sporta, kao i unapređenje položaja djece sa invaliditetom, unapređenje informisanosti djece i roditelja, edukaciju i zaštitu djece od zlostavljanja, zanemarivanja i zloupotrebe, zaštitu djece bez roditeljskog staranja, smanjenje nasilja među djecom i smanjenje siromaštva djece.

Korisniku koji ispuni kriterije ovog javnog poziva, odobrit će se sredstva u maksimalnom iznosu do 3.000,00 KM za finansiranje i sufinansiranje projekta.
Vremenski period realizacije projekata je od 01.10.- 31.10.2019. godine.

Pravo na korištenje sredstava ne mogu ostvariti Korisnici za aktivnosti:

- a) koje će se realizovati izvan Zeničko-dobojskog kantona,
- b) koje neće biti besplatne za građane Zeničko-dobojskog kantona,
- c) koje su realizovane ili će biti realizovane izvan predviđenog roka realizacije projekta,
- d) kupovinu opreme koja nije neophodna za realizaciju projektnih aktivnosti.

IV. Potrebna dokumentacija za učešće na Javnom pozivu

Uz prijavni obrazac, popunjen u skladu sa ovim Javnim pozivom i smjernicama, Korisnici su obavezne dostaviti sljedeću dokumentaciju:

1. Uvjerenje o poreznoj registraciji (identifikacijski broj: ID broj i PDV broj ukoliko su PDV obveznici);
2. Bilans stanja i bilans uspjeha za prethodnu godinu;
3. Uvjerenje o izmirenim poreskim obavezama izdato od strane nadležne poreske uprave (ne starije od 3 mjeseca);
4. Ovjereni bankovni račun uz potvrdu o solventnosti računa;
5. Izjava da podneseni projekat nije dobio sredstva po osnovu konkursa drugih ministarstava Zeničko-dobojskog kantona;
6. Program obilježavanja „Dječije nedjelje“ za 2019. godinu za područje općine/grada.

Dodatna dokumentacija koja nije obavezna, ali će uticati na visinu odobrenih budžetskih sredstava shodno kriterijima za ocjenu projekta:

1. Dokaz o visini finansijskog učešća u realizaciji projekta, iz vlastitih sredstava ili drugih izvora finansiranja (potvrda, ugovor ili sporazum);
2. Sporazum ili Memorandum o saradnji sa lokalnim ustanovama socijalne i zdravstvene zaštite, obrazovanja, kulture i udruženjima, te drugim pravnim licima čije su programske aktivnosti i djelatnost usmjerene na unapređenje zaštite porodice i djece, ovjeren i potpisan od strane svih ključnih aktera.

Svi priloženi dokumenti moraju biti u originalu ili ovjerenoj kopiji.

V. Kriteriji za ocjenu projekata

Opravdanost i prihvatljivost za finansiranje ili sufinansiranje projekata podnosioca cijenit će se u skladu sa Pravilnikom za finansiranje i sufinansiranje projekata povodom obilježavanja „Dječije nedjelje“ u Zeničko-dobojskom kantonu u 2019. godini, na osnovu sljedećih kriterija:

- značaj projekta u doprinosu ostvarenju namjene obilježavanja „Dječije nedjelje“;
- obuhvat djece i kvalitet predloženog projekta;
- stepena promocije i zaštite prava djece;
- visine finansijskih sredstava za sufinansiranje projekta iz sopstvenih ili drugih izvora;
- ostvarena saradnja sa lokalnim ustanovama socijalne i zdravstvene zaštite, obrazovanja, kulture i udruženjima, te drugim pravnim licima čije su programske aktivnosti i djelatnost usmjerene na unapređenje zaštite porodice i djece (Sporazum ili Memorandum o saradnji);
- stepen ekonomičnosti projekta;
- kvaliteta izvještavanja Korisnika o realizaciji projekta podržanog od strane Zeničko-dobojskog kantona – Ministarstva za rad, socijalnu politiku i izbjeglice u 2018. godini.

VI. Podnošenje projekata

Prijava na Javni poziv, tj. popunjen prijavni obrazac i prateća dokumentacija, dostavljaju se u zatvorenoj koverti Ministarstvu za rad, socijalnu politiku i izbjeglice, na adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br. 2, 72000 Zenica, Bosna i Hercegovina

Sa obaveznom naznakom: „**Ne otvarati – Prijava na Javni poziv za finansiranje i sufinansiranje projekata povodom obilježavanja „Dječije nedjelje“ u Zeničko-**

dobojskom kantonu u 2019. godini“, kao i sa naznakom naziva Korisnika, podnosioca prijave.

Javni poziv ostaje otvoren 15 dana, od dana objavljivanja ovog Javnog poziva na službenoj web stranici Zeničko-dobojskog kantona (www.zdk.ba) i dnevnim novinama „Dnevni avaz“.

Prijavni obrazac, može se preuzeti na www.zdk.ba ili u Ministarstvu za rad, socijalnu politiku i izbjeglice Zeničko-dobojskog kantona.

U razmatranje neće biti uzete nepotpune i neblagovremene prijave.

Sve dodatne informacije o načinu i postupku učešća u Javnom pozivu, mogu se dobiti u Ministarstvu za rad, socijalnu politiku i izbjeglice Zeničko-dobojskog kantona ili putem telefona: 032/460-688.